



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 06-11-27588-4/22
Sarajevo, 18.10.2022. godine

Na osnovu člana 70. stav 1. i 2. Zakona o organizaciji organa uprave u Federaciji BiH („Službene novine Federacije BiH“ broj 35/05), člana 22. stav (2) i (3) Budžeta Kantona Sarajevo za 2022. godinu („Službene novine Kantona Sarajevo“ broj 5/22), Odluke Vlade Kantona Sarajevo o usvajanju Programa utroška transfera neprofitnim organizacijama i pojedincima utvrđenih Budžetom Kantona Sarajevo, razdjel Ministarstvo za boračka pitanja za 2022. godinu („Službene novine kantona Sarajevo“ broj 12/22), člana 17. i 18. Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“ broj 22/21 i 13/22), člana 23. stav (1) Pravilnika o dodjeli transfera neprofitnim organizacijama i pojedincima („Službene novine Kantona Sarajevo“ broj 1/22) i Javnog poziva broj: 06-11-27588/22 od 14.07.2022. godine, ministar za boračka pitanja donosi

ODLUKU

o odobravanju sredstava za finansiranje/sufinansiranje projekta pružanja pravne i druge pomoći u korist osumnjičenih i optuženih bivših pripadnika Oružanih snaga RBiH u predmetima ratnih zločina do pravosnažnosti presude, za 2022. godinu

I

Odobravaju se sredstava u ukupnom iznosu od 120.000,00 KM (slovima: stotinudvadesethiljada KM), Fondaciji za pružanje pravne pomoći pripadnicima branilačke populacije (u daljem tekstu: Fondacija), za finansiranje/sufinansiranje projekta: „Pružanje pravne i druge pomoći u korist osumnjičenih i optuženih bivših pripadnika Oružanih snaga RBiH do pravosnažnosti presude za 2022. godinu”.

II

Ministarstvo za boračka pitanja Kantona Sarajevo zadržava pravo da umanja ukupan iznos odobrenih, a nedoznačenih sredstava u slučaju nedovoljnih prihoda u Budžetu Kantona Sarajevo za 2022. godinu, a u tom slučaju bila bi donesena odgovarajuća odluka.

Sve aktivnosti iz odobrenog projekta iz tačke I moraju biti u vezi direktne ili indirektno podrške optuženim braniteljima, odnosno u svrhu odbrane.

Sredstva iz tačke I su odobrena za pružanje pravne i druge pomoći u korist osumnjičenih i optuženih bivših pripadnika Oružanih snaga RBiH u predmetima ratnih zločina do pravosnažnosti presude za 2022. godinu, te se ne mogu isplaćivati licima protiv kojih je donesena pravosnažna presuda.

III

Sredstva iz tačke I ove Odluke doznavačavaju se uz potpisivanje Ugovora o finansiranju/sufinansiranju projekta pružanja pravne i druge pomoći u korist osumnjičenih i optuženih bivših pripadnika Oružanih snaga RBiH u predmetima ratnih zločina do pravosnažnosti presude, za 2022. godinu, kojim su definisani elementi bitni za realizaciju, izvještavanje, nadzor i druga pitanja i navedena fondacija dužna ih je utrošiti u skladu sa ovom Odlukom, potpisanim Ugovorom, te u skladu sa pozitivnim propisima iz ove oblasti.

IV

Sredstva iz tačke I ove Odluke terete zbirnu poziciju Ministarstva za boračka pitanja Kantona Sarajevo, razdjel 13, glava 01, potrošačka jedinica 0001, ekonomski kod 614300 DAN030, „Realizacija projekata od interesa za boračku populaciju u saradnji sa neprofitnim organizacijama“, a uplatiti će se na račun fondacije nakon potpisivanja odgovarajućeg Ugovora.

IV

Fondacija je dužna da podnese narativni i finansijski izvještaj o realizaciji projekta i namjenoskom trošenju sredstava shodno obrascima: Obrazac finansijskog izvještaja o utrošku sredstava FI 47 i Obrazac opisnog izvještaja PI 46 Ministarstva za boračka pitanja Kantona. Izvještaj mora minimalno sadržavati priloge navedene u u Obrascu FI 47 tačka 4, a prema potrebi i druge dokumente u skladu sa pozitivnim propisima iz ove oblasti (originali ili ovjerene kopije)

V

Nadzor nad utroškom doznačenih sredstava iz tačke I ove Odluke kontinuirano vrši Ministarstvo za boračko pitanja Kantona Sarajevo, a u skladu sa odredbama Uredbe o dodjeli transfera neprofitnim organizacijama i pojedincima iz Budžeta Kantona Sarajevo (“Službene novine Kantona Sarajevo” broj 22/21 i 13/22) i Pravilnika o dodjeli transfera neprofitnim organizacijama i pojedincima (“Službene novine Kantona Sarajevo” broj 1/22).

VI

Na osnovu gore navedenog, a obzirom da su za ovu namjenu već odobrena sredstva u Budžetu Kantona Sarajevo za 2022. godinu, odlučeno je kao u dispozitivu ove Odluke.

Ova Odluka stupa na snagu danom donošenja.

O b r a z l o ž e n j e:

Prilikom izrade Budžeta Kantona Sarajevo za 2022. godinu, a na osnovu činjenice da se protiv bivših branilaca R BiH podižu optužnice i pokreću sudski procesi, tokom kojih su optuženim licima za dokazivanje nevinosti potrebna izuzetno velika novčana sredstva, te podrška u postupku odbrane, utvrđena je potreba za daljim obezbjeđenjem namjenskih sredstava kojima bi se finansirala pravna pomoć braniocima, te su shodno tome na odgovarajućoj budžetskoj poziciji Ministarstva za boračka pitanja Kantona Sarajevo za 2022. godinu i predviđena određena namjenska sredstva. Podršku aktivnostima pružanja pravne pomoći braniocima Bosne i Hercegovine u proteklom periodu dala je Vlada Kantona Sarajevo, a Skupština Kantona Sarajevo je donijela Zaključke broj: 01-05-29000/11 od 29.11.2011. godine i broj: 01-05-27711/13 od 13.11.2013. godine, kojima je zadužila Ministarstvo za boračka pitanja Kantona Sarajevo da putem fondacija registrovanih za ovu namjenu aktivira sve mogućnosti u cilju pravne, finansijske i materijale pomoći osumnjičenim i optuženim bivšim pripadnicima Oružanih snaga R BiH u predmetima ratnih zločina do pravosnažnosti presude.

Na osnovu objavljenog Javnog poziva za za finansiranje/sufinansiranje projekta pružanja pravne i druge pomoći u korist osumnjičenih i optuženih bivših pripadnika Oružanih snaga R BiH u predmetima ratnih zločina do pravosnažnosti presude za 2022. godinu broj: 06-11-27588/22 od 14.07.2022. godine, Fondacija za pružanje pravne pomoći pripadnicima branilačke populacije iz Sarajeva je podnijela blagovremenu prijavu evidentiranu pod brojem 06-11-30492/22 od 04.08.2022. sa kandidovanim projektom kako slijedi: Pružanje pravne i druge pomoći u korist osumnjičenih i optuženih bivših pripadnika Oružanih snaga R BiH do pravosnažnosti presude za 2022. godinu (traženi iznos: 120.000,00 KM).

Fondacija je osnovana Rješenjem Federalnog ministarstva pravde broj: 03-05-2-839/15 od 03.02.2021. godine u cilju pružanja pravne pomoći pripadnicima branilačke populacije Armije R BiH i MUP-a R BiH. Sjedište Fondacije je u ul. Ismeta Mujezinovića br. 40, Sarajevo.

Nakon obrade i evaluacije prijava po gore navedenom Javnom pozivu, a na osnovu Rješenja o imenovanju Komisije za provođenje Javnog poziva za finansiranje/sufinansiranje projekata pružanja pravne i druge pomoći u korist osumnjičenih i optuženih bivših pripadnika Oružanih snaga R BiH u predmetima ratnih zločina do pravosnažnosti presude za 2022. godinu broj: 06-11-34648/22 od 08.09.2022. godine, Rješenja o izmjeni Rješenja o imenovanju Komisije za provođenje Javnog poziva za finansiranje/sufinansiranje projekata pružanja pravne i druge pomoći u korist osumnjičenih i optuženih bivših pripadnika Oružanih snaga R BiH u predmetima ratnih zločina do pravosnažnosti presude za 2022. godinu broj: 06-11-34648-1/22 od 13.09.2022. godine i tačke VII Javnog poziva za finansiranje/sufinansiranje projekata pružanja pravne i druge pomoći u korist osumnjičenih i optuženih bivših pripadnika Oružanih snaga R BiH u predmetima ratnih zločina do pravosnažnosti presude, za 2022. godinu, rješavajući po zaprimljenim prijavama i kandidovanim projektima, Komisija je jednoglasno zauzela stav da se prihvati kandidovani projekat Fondacije za pružanje pravne pomoći pripadnicima branilačke populacije.

Sredstva iz tačke I su odobrena za pružanje pravne pomoći pripadnicima branilačke populacije, osumnjičenim i optuženim bivšim pripadnicima Oružanih snaga R BiH u predmetima ratnih zločina do pravosnažnosti presude, te se ne mogu isplaćivati licima protiv kojih je donesena pravosnažna presuda.

S obzirom da se radi o implementaciji značajnih budžetskih sredstava, planiranih na budžetskoj poziciji Ministarstva, razdjel 13, glava 01, potrošačka jedinica 0001, ekonomski kod 614300 DAN030 „Realizacija projekata od interesa za boračku populaciju u saradnji sa

neprofitnim organizacijama“, nadzor nad radom Fondacije u pogledu realizacije odobrenih sredstava iz tačke I ove Odluke kontinuirano će vršiti Ministarstvo.

Tokom realizacije odobrenih sredstava iz tačke I ove Odluke, Fondacija će biti dužna odobrena sredstva trošiti namjenski i pridržavati se Ugovora koji će se potpisati sa Ministarstvom za boračka pitanja kantona Sarajevo, te pozitivnih zakonskih propisa.

U skladu sa gore navedenim, riješeno je kao u dispozitivu ove Odluke.



Dostaviti:

- Fondacija za pružanje pravne pomoći pripadnicima boračke populacije
ul. Ismeta Mujezinovića br. 40, Sarajevo,
- Sektor za ekonomske poslove,
- a/a.

web: <http://mbp.ks.gov.ba>
 e-mail: mbp@mbp.ks.gov.ba
 Tel: + 387 (0) 33 562-012,
 Fax: + 387 (0) 33 562-251
Sarajevo. Reisa Džemaludina Čauševića 1

